

JAVNO PREDUZEĆE «VODOVOD I KANALIZACIJA» d.o.o.

ZENICA

Direktor preduzeća

Broj: 105-8284/21 DŽS
Zenica, 30.06.2021. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 501-8282-1/21 DŽS od 30.06.2021. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU **o izboru najpovoljnijeg ponuđača**

I
Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 501-8282/21 DŽS od 30.06.2021. godine u postupku dodjele okvirnog sporazuma za nabavku kanalizacionih cijevi (PEHD/PP i PVC) i prihvata se preporuka Komisije za nabavke da se okvirni sporazum zaključi sa ponuđačem:

TOPLOTA d.o.o. Zenica

kao najbolje ocijenjenom ponuđaču, prema ponudi protokolisanom pod brojem: 501-7246/21 od 07.06.2021. godine, a nakon e-aukcije za ostvarenu cijenu od 59.900,00 KM, bez uračunatog PDV-a.

II

Prvobitno ponuđena cijena izabranog ponuđača u iznosu od 59.900,00 KM, a nakon provedene e-aukcije umanjena je za 33,58 %.

Procenat iz prethodnog stava će se obračunati kao rabat prilikom ispostavljanja faktura ili će se pojedinačne cijene prilikom fakturisanja umanjiti za navedeni procenat.

III

Za izvršenje ove Odluke zadužuje se Komisija za nabavke, Služba za kadrovske i opšte poslove, te Komercijalna i Finansijska služba u preduzeću.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 105-5943/21 BS od 12.05.2021. godine. Javna nabavka je provedena putem otvorenog postupka sa zaključivanjem okvirnog sporazuma na period od 6 mjeseci.

Procijenjena vrijednost javne nabavke bez uračunatog PDV-a je 115.000,00 KM.

Dana 12.05.2021. godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-200-3-53/21 objavljena je i tenderska dokumentacija.

Poziv za preuzimanje tenderske dokumentacije broj: 406-5944-2/21 BS od 12.05.2021. godine upućen je sljedećim ponuđačima:

1. HTC d.o.o. Sarajevo
2. Peštan d.o.o. Trn- Laktaši
3. Vodoskop d.o.o. Tomislavgrad

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 21.06.2021. godine u 09:55 sati.

Rok za dostavljanje ponuda je bio 07.06.2021. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su četiri ponude u zatvorenoj koverti, i to:

1. VODOSKOK d.o.o. Tomislavgrad
2. TOPLOTA d.o.o. Zenica

3. ALMY d.o.o. Zenica
4. GANIK IDA d.o.o. Vitez.

Komisija za nabavku imenovana je Odlukom broj: 105-4232/21 BS od 30.03.2021. godine.

Komisija za nabavku je dana 30.06.2021. godine direktoru preduzeća dostavila Izvještaj o radu broj: 501-8283/21 od 30.06.2021. godine i Preporuku o izboru najpovoljnijeg ponuđača broj: 501-8282-1/21 od 22.06.2021. godine u postupku nabavke kanalizacionih cijevi (PEHD/PP i PVC).

U postupku, prema Izvještaju o radu Komisije, utvrđeno je:

- da je ukupan broj pristiglih ponuda 4 (četiri),
- da su blagovremeno zaprimljene 4 (četiri) ponude,
- da nema neblagovremeno zaprimljenih ponuda,
- da je ukupno 12 (dvanaest) ponuđača preuzelo tendersku dokumentaciju sa Portala javnih nabavki.

Dana, 07.06.2021. godine u 12:00 sati, Komisija je izvršila otvaranje pristiglih ponuda u skladu sa članom 63. Zakona o javnim nabavkama (Sl. glasnik BiH, broj: 39/14), sačinivši o tome Zapisnik o otvaranju ponuda.

Uvidom u priloženu dokumentaciju otvorenog postupka broj: 406-5943-3/21 BS od 12.05.2021. godine – Nabavka kanalizacionih cijevi (PEHD/PP i PVC), a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), je našla osnovan razlog da izrazi sumnju da je ponuđena cijena ponuđača TOPLOTA d.o.o. Zenica neprirodno niska, te mu je dopisom broj 406-7246-2/21 BS dana 17.06.2021. godine uputila zahtjev za objašnjenje ponude.

Dana 18.06.2021. godine na protokolu ugovornog organa je pod brojem 501-1860/21 zaprimljeno pojašnjenje cijena u kojem je ponuđač obrazložio da je riječ o realnim cijenama, te naveo procjenu da će i ostali ponuđači prilikom e-aukcije sniziti cijene na realni nivo, a koje objašnjenje je ugovorni organ ocijenio prihvatljivim.

U kataloškom listu koji je ponuđač GANIK I.D.A. d.o.o. Vitez dostavio nedostaje stavka 10.1 (rebrasta energ.cijev DN 40). Ponuđač nije dostavio kataloški list za stavku 11 (korugirane PEHD cijevi SN 8 – vanjski prečnik, Ø110, Ø160). Iz gore navedenih razloga ponuda ponuđača GANIK I.D.A. d.o.o. Vitez se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđač ALMY d.o.o. Zenica nije dostavio kataloški list za stavke 7.1 i 7.2 (PVC koljeno DN 50- 45° i 90°); stavku 3 (dihtung za korug. cijev); stavku 10.1 (rebrasta energ. cijev DN 40). Iz gore navedenih razloga ponuda ponuđača ALMY d.o.o. Zenica se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđačima koji su dostavili formalno – pravno ispravne i tehnički prihvatljive ponude, ugovorni organ je, shodno odredbi čl.4. Pravilnika o načinu korištenja e-aukcije zakazao e-aukciju za dan 23.06.2021. godine, u terminu od 10:15 sati.

Ponude ponuđača, prije početka e-aukcije su:

1. TOPLOTA d.o.o. Zenica, sa ukupnom cijenom ponude u iznosu od 90.181,00 KM bez PDV-a,
2. VODOSKOK d.o.o. Tomislavgrad, sa ukupnom cijenom ponude u iznosu od 114.189,84 KM bez PDV-a

E - aukcija je održana u zakazanom terminu.

U e-aukciji ponuđači su mijenjali iznose svojih ponuda.

Konačne ponude, nakon završetka postupka e-aukcije su:

1. TOPLOTA d.o.o. Zenica, sa ukupnom cijenom ponude u iznosu od 59.900,00 KM bez PDV-a,
2. VODOSKOK d.o.o. Tomislavgrad, sa ukupnom cijenom ponude u iznosu od 60.000,00 KM bez PDV-a.

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je ocijenila, prema utvrđenom kriteriju „najniža cijena“, prihvatljivih ponuda/ponuđača kako slijedi:

1. TOPLOTA d.o.o. Zenica, sa ukupnom cijenom ponude u iznosu od 59.900,00 KM bez PDV-a,
2. VODOSKOK d.o.o. Tomislavgrad, sa ukupnom cijenom ponude u iznosu od 60.000,00 KM bez PDV-a,

te dala preporuku da se okvirni sporazum na period od 6 mjeseci zaključi sa najuspješnijim ponuđačem TOPLOTA d.o.o. Zenica.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom člana 32. i člana 64., stav 1., tačka (b). Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke.

DOSTAVLJENO:

- 1 x Ponuđaču
- 1 x Direktor preduzeća
- 1 x Pom.dir.za ekon. i pravne posl.
- 1 x Pom.dir.za tehn.posl.
- 1 x Pom.dir. za razvoj i inv.
- 1 x Komercijalna služba
- 1 x Tehnička služba
- 1 x Sekretar Komisije
- 3 x Članovima Komisije
- 1 x a/a



DIREKTOR

Pašalić Emir
Pašalić Emir, dipl.ing.građ.